

Inatsisartunut ilaasortaq
Anthon Frederiksen, Partii Naleraq
/MAANI

Kissamit sinneruttartooq pillugu apeqquteqaammut akissut

Asasara Anthon Frederiksen

Ulloq 21. oktober 2015 nalunaaquttap akunnerani apeqquteqarfissap nalaani kissamit sinneruttartup, pingaartumik Ilulissani, atorluarneqarnissaa pillugu apeqquteqarputit. Tulliuttuni akissuteqaatinga itisilissavara.

Innaallagissiornermit kissamit sinneruttartup sapinngisamik pitsaanerpaamik atorluarneqarnissaa Naalakkersuisut soqutigaat. Tamanna sumiiffinni ungasianiit kiassarnermut aqqusersuiffiusimasuni annertuumik ullumikkut pisarpoq. Taamaattoq sumiiffiit ilaanni kissamit sinneruttup atorluarneqarnissaa suliaqarnikkut ajornarsinnaasarpoq imaluunniit inuiaqatigiit aningaasaqarnerannut imminut akilersinnaanani. Aamma sammisaq taanna pillugu § 37 naapertorlugu apeqquteqaaternut akissuteqaatinga 20. august 2015-imeersoq innersuussutigissavara.

Ilulissani erngup nukinganit nukissiorfik Paakitsumiitooq innaallagissiornermut pingaarnertut atornerqarpoq. Erngup nukinganit nukissiorfinnit innaallagissiorneq kissamik sinneruttartumik malitseqartanngilaq. Innaallagiaoq atorlugu kiassarnermik tunisassiornermut erngup nukinganit innaallagiaoq atornerqartarpoq, pingaartumik ungasianiit kiassaanermit aqqusersuutini kiassaatinu aammalu A/S Inissiaatileqatigiiffik INI-mi, kommunini imaluunniit inuinnarni kiassaateqarfinni ataasiakkaani.

Eqqorpoq Ilulissani innaallagissiorfeqartooq dieselitortunik marlunnik. Aappaa erngup nukinganit nukissiorfimmit pilersuineq unittuussagaluarpat, pilersuinermit sillimmatitut atornerqarpoq. Kiassarnermut nukissiorfik tassani pineqarpoq, ingerlatinneqaraangami ungasianiit kiassaanermit aqqusersuutinit sarfamik kiassarnermillu tunisassiorfiusartooq. Innaallagissiorfiup aappaa ingerlajunnaarsimavoq, pissutigalugu qaliata ikuallannerata kingorna innaallagissiorfittut atorunnaarsinneqarsimammat.

Ilulissani eqqakkanut ikuallaasarfik illoqarfimmi ungasianiit kiassarnermut aqqusersuutinit kiassarnermik pilersuivoq.

Ulluinnarni Ilulissani kissamit sinneruttartumik taamaalilluni nalinginnaasumik soqanngilaq.

Inussiarnersumik inuulluaqqusillunga


Maia Høy Kjøke

02-11-2015
Sags nr. 2015-14115
Akt. nr. 1445168

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: paian@nanoq.gl
www.naalakkersuisut.gl